

## Риёзус солиҳийн (болалар учун) / Риёзус солиҳийн (болалар учун) / 110-ҳадис

110 - عَنْ ابْنِ عُمَرَ رَضِيَ اللَّهُ عَنْهُمَا قَالَ: رَأَى رَسُولُ اللَّهِ صَلَّى اللَّهُ عَلَيْهِ وَسَلَّمَ صَبِيًّا قَدْ حُلِقَ بَعْضُ شَعْرِ رَأْسِهِ وَتُرِكَ بَعْضُهُ، فَتَهَاہَمَ عَنْ ذَلِكَ وَقَالَ: «اخْلِقُوهُ كُلَّهُ أَوْ اتَّكُوهُ كُلَّهُ».

رواهُ أبو داود بإسناد صحيحٍ على شرطِ البُخاريِّ ومسلمٍ.

Яна у кишидан ривоят қилинади:

"Расулуллоҳ соллаллоҳу алайҳи васаллам бошидаги сочининг баъзиси олиниб баъзиси олинмаган бир ёш болани кўриб, бундан қайтариб: "(Сочни) **ҳаммасини олдиришлар ёки ҳаммасини қолдиришлар**", деб айтдилар.

Абу Довуд, Имом Бухорий ва Муслимнинг ҳадис ривоят қилишдаги шартларига биноан саҳиҳ иснод ила ривоят қилдилар.

Шарҳ: Ислом мусулмонларни гўзал суратда кўринишга ва одамлар орасида ажралиб туришга тарғиб қилади. Токи улар одамлар орасида аломат бўлсин! Шунинг учун Ислом ва Расулуллоҳ саллаллоҳу алайҳи васаллам энг майда ва нозик масалаларга ҳам эътибор қаратганлар. Шулардан бири соч олишдаги масаладир. Бошнинг у ер-бу ерида қолдириб соч олишдан қайтариқдир.

### Ҳадисдан ўрганганларимиз

1. Набий саллаллоҳу алайҳи васаллам сочининг баъзисини олиб, баъзисини олмай қолдиришдан ман этдилар.
2. Мусулмон киши сочини бутунлай қисқартиради ёки узун ҳолида қолдириб, уни тозалигига эътибор беради.
3. Набий саллаллоҳу алайҳи васаллам қазаъдан, яъни баъзисини олиб, баъзисини олмай қолдиришдан ман этдилар. Чунки бунда шайтонга ўхшашлик бордир.



HADIS.ISLOM.UZ  
NUBUVVAT MARVARIDLARI